

24-12-2019 10:52:10

Na osnovu člana 72. Zakona o javnim nabavkama BiH (Sl.glasnik BiH 39/14) a nakon provedenog Konkurentskog postupka za nabavke usluge: **Usluga osiguranja trolejbusa LOT 3027**, sa sukcesivnom isporukom usluge za potrebe, KJKP GRADSKI SAOBRAĆAJ D.O.O. SARAJEVO, zaključuje se:

OKVIRNI SPORAZUM O NABAVCI USLUGE: Usluga osiguranja trolejbusa LOT 3027

Između:

1. KJKP GRADSKI SAOBRAĆAJ D.O.O. SARAJEVO, ul. Srđana Aleksića br.1, koga zastupa V.D. Generalni direktor Ismet Kapo dipl.ecc., s jedne strane /u daljem tekstu: Ugovorni organ /
2. « SARAJEVO OSIGURANJE » d.d. Sarajevo, Maršala Tita 29, REG.br. 065-0-RegZ-19-006369;ID BR. 4200326930001,PDV BR.200326930001.TR.RN.BR.338730-2238311567 kod UNICREDIT bank D.D., koga zastupa Arif Kulić direktor, s druge strane u daljem tekstu Vršilac usluge.

Član 1.

Ovim okvirnim sporazumom ugovorene strane regulišu okvirna pitanja vezana za realizaciju nabavke usluge: **Usluga osiguranja trolejbusa LOT 3027**.

Član 2.

Predmet ovog ugovora je sukcesivna nabavka usluge: **Usluga osiguranja trolejbusa LOT 3027** od firme **SARAJEVO OSIGURANJE d.d. Sarajevo**, kojem je dodjeljen Okvirni sporazum Odlukom o izboru najpovoljnijeg ponuđača Ugovornog organa broj 04/527 od 11.11.2019 god. a koji je proveden po Otvorenom postupku objavljenog na Portalu javnih nabavki 1.10.2019 god. a dodatno obavještenje o nabavci u Sl.glasniku BiH broj 67/19 od 4.10.2019 god.

Član 3.

Vršilac usluge se obavezuje da će Ugovornom organu izvršiti uslugu iz člana 1 ovog Sporazuma, pod uslovima i jediničnoj cijeni kao što je naznačeno u prilogu ovog Sporazuma (Anex 2 – Tehnički podaci i elementi ponude) koji čine njegov sastavni dio.

Vrijednost nabavke robe po ovom ugovoru iznosi: 87.485,00 KM bez PDV-a za period od jedne godine od dana potpisivanja Okvirnog sporazuma.

Način i uslovi plaćanja: U skladu sa zakonom o finansijskom poslovanju

Član 4.

Količine navedene u prilogu ovog sporazuma nisu obavezujuće za Ugovorni organ, tako da isti zadržava pravo na promjenu količine i nabavku samo onih količina koje su mu potrebne. Okvirni sporazum se zaključuje za period od jedne godine od njegovog potpisivanja, odnosno maksimalne finansijske vrijednosti okvirnog sporazuma navedene u članu 3 stav dva sporazuma.

Član 5.

Vršilac se obavezuje da će uslugu izvršiti Ugovornom organu u roku od 24 sata po prijemu pismenog zahtjeva za izvršenje usluge. Vršilac usluge će izvršiti uslugu na temelju narudbenice za količinu i vrstu usluge.

Član 6.

Na osnovu ovog okvirnog sporazuma ugovorne strane će zaključiti pojedinačne ugovore kojima će se bliže regulisati prava i obaveze za realizaciju ovog okvirnog sporazuma. Pojedinačne nabavke odnosno ugovor obavezno će biti pod uslovima utvrđenim u tenderskoj dokumentaciji i prihvaćenoj ponudi. Sve što nije regulisano ovim sporazumom ili pojedinačnim ugovorom sklopljenim na temelju ovog sporazuma primjenjivat će se odgovarajuće odredbe zakona o obligacionim odnosima. Vršilac daje garanciju za izvršenu uslugu od 1 godinu od dana njenog izvršenja.

Član 7.
Izvršioc je obavezan, prilikom potpisivanja okvirnog sporazuma dostaviti безусловnu bankarsku garanciju naplativu na prvi poziv u iznosu od 2 % od ugovorene vrijednosti ugovora ili mjenicu sa rokom važnosti od dana zaključivanja okvirnog sporazuma do isteka važenja ugovora + 30 dana .
Ukoliko Izvršioc, u vrijeme potpisivanja okvirnog sporazuma, ne dostavi безусловnu bankarsku garanciju ili mjenicu iz stava 1. ovog člana, a sporazum se potpiše, primjenjivat će se odredbe člana 125 Zakona o obligacionim odnosima.

Član 8.
U okviru perioda važenja ovog okvirnog sporazuma koji je naveden u članu 4. za pojedinačne nabavke neće se primjenjivati odredbe propisa kojima se uređuje postupak javne nabavke.

Član 9.
Cijene iz ovog sporazuma su nepromjenjive u toku važenja sporazuma. Prema izjavi dobavljača (Izjava je sastavni dio tenderske dokumentacije).

Član 10.
Odredbe ovog okvirnog sporazuma ne mogu se mijenjati nakon njegovog zaključenja.

Član 11.
Ovaj okvirni sporazum stupa na snagu nakon potpisivanja obje ugovorne strane.
Ukoliko Izvršioc ne ispuni uslov vezan za garanciju za dobro izvršenje posla u roku regulisanom u tački 7 sporazuma smatrat će se da ovaj sporazum nije ni zaključen.

Član 12.
Sve eventualne sporove ugovorne strane će rješavati mirnim putem a ukoliko to nije moguće za rješavanje spora nadležan je Općinski sud u Sarajevu.

Član 13.
Ovaj okvirni sporazum je sačinjen u /4/ primjerka, od kojih ugovorni organ zadržava tri /3/, a vršioc /1/ primjerak .

ZA DOBAVLJAČA

DIREKTOR

Arif Kulić



Broj:

01-5706/19

Datum:

22.11.2019.

ZA UGOVORNI ORGAN
V.D. GENERALNI DIREKTOR

Ismet Kapo dipl.ecc.

Supotpisnik:

Mr.sci. Almir Ahmetpahić dipl.ing.saob.

Broj:

16397

Datum:

22.11.2019

22-11-2019